



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1563 usque ad annum 1566

Fleury, Claude

August. Vind. [u.a.], 1772

VD18 90118626

§. 7. Decretum de finiendo, & confirmando Concilio.

[urn:nbn:de:hbz:466:1-67192](https://nbn-resolving.org/urn:nbn:de:hbz:466:1-67192)

Sæcul XVI.
A. C 1563.

„nodus Beatissimum Romanum Pon-
 „tificem curaturum, ut vel evocatis,
 „ex illis præsertim Provinciis, unde
 „difficultas orta fuerit, iis, quos eidem
 „negotio tractando viderit expedire,
 „vel etiam Concilii Generalis celebra-
 „tione, si necessarium judicaverit, vel
 „commodiore quacunque ratione ei vi-
 „sum fuerit, provinciarum necessitati-
 „bus pro Dei gloria, & Ecclesiæ tran-
 „quillitate consulatur.

§. VII.

*Decretum de finiendo, & confirman-
 do Concilio.*

Hifce igitur Decretis in Sessione per-
 lectis, atque approbatis, ex com-
 muni omnium Patrum consensu ea quo-
 que statuta, quæ circa dogma, & mo-
 res sub Paulo III. & Julio III. condita,
 ac promulgata fuerant, recitabantur.
 His peractis Prælati ille, quem Syn-
 odus sibi a secretis esse voluit, in me-
 dio confessus stans hæc verba pronun-
 tiabat: „Illustrissimi Domini, Reve-
 „rendissimique Patres: Placetne vobis,
 „ut ad laudem Dei omnipotentis huic
 „sacræ Oecumenicæ Synodo finis im-
 „ponatur? & omnium, & singulorum,
 „quæ tam sub felicis recordationis
 „Paulo tertio, & Julio tertio, quam
 „sub sanctissimo Domino nostro Pio IV.
 „Roma-

Sæcul. XVI. „Romanis Pontificibus in ea decreta,
A C. 1563. „& definita sunt, confirmatio nomine
 „sanctæ hujus Synodi per Apostolicæ
 „Sedis Legatos, & Præsidentes a Bea-
 „tissimo Romano Pontifice petatur?
 Responderunt: *Placet.*

Postea Illustrissimus, ac Reverendissimus Cardinalis Moronus Legatus primus, ac Synodi Præsides, toti sacro Concilio bene precatus agebat: *Post gratias Deo actas, Reverendissimi Patres, ite in pace.* Hi responderunt: *Amen.* Tum vero potissimi ob lætitiæ cumulum in lacrimas effundebantur, gaudentes, quod tandem adimpleta essent eorum desideria, quinimo illi etiam, qui aut languore, aut quadam indignatione adhuc concitati credebantur, nihilominus cum ingenti lætitia in mutuos amplexus ruebant, ac sibi invicem gratulabantur, quod operi jam ante octodecim annos inchoato, ac per tot labores, & difficultates continuato postremam manum admoverint: unde omni ex parte festivæ resonabant acclamationes in hoc pariter imitantes veterum Conciliorum consuetudinem: ut vero suus ubique fervaretur ordo, atque omnis vocum confusio declinaretur, ipsemet Lotharingus Cardinalis harum acclamationum formam concinabat, easque alta voce pronuntiabat, quod

quem tamen quidam malevoli aut levi-^{Sæcul. XVI.}
tatis, aut fastus arguebant, perinde ^{A. C. 1563.}
acsi hoc potius cujusdam Diaconi, Se-
cretarii, aut Promotoris, non autem
insignis Archiepiscopi, ac Cardinalis
munus fuisset: nec tamen id a Cardi-
nale factum fuisse, exemplo caret, quip-
pe in octavo Concilio Generali in gra-
tiarum actionem pro felici successu ipse-
met Præses, non autem quidam Can-
tor Hymnum Ambrosianum intonabat:
nunc vero percipiamus hæc acclama-
tiones, prout in Concilii actis factæ le-
guntur.

§. VIII.

*Acclamationes a Lotharingio Cardi-
nale pronuntiatæ, & responsio-
nes Patrum.*

Incepit Cardinalis a Lotharingia: *Bea-
tissimo Pio Papæ, & Domino nostro,
Sanctæ, & universalis Ecclesiæ Pontifici,
multi anni, & æterna memoria.*

Responsio Patrum.

Domine Deus, Sanctissimum Pa-
trem diutissime Ecclesiæ tuæ conserva:
Multos annos.

Card. Beatissimorum summorum
Pontificum animabus, Pauli tertii, &
Julii tertii, quorum auctoritate hoc sa-
crum Generale Concilium inchoatum
Hist. Eccles. Tom. XLVII. M est,